

Codex Laureshamensis, Bd. II, Kopialbuch, I. Teil: Oberrhein-, Lobden-, Worms-, Nahe- und Speiergau. Nr. 318 (Reg. 889)

Ego Ratfrid manu potestativa pro anima Ruotperti, dono ad sanctum dei mrem. Nazarium qui requiescit corpore in monasterio Laur. sito super fluvium Uuisscoz in pago rinensi, ubi vir venerabilis Gundelandus abba preesse videtur, donatumque in perpetuum esse volo, unum iurnalem de terra araturia in Hantscuhesheim, in pago lobodoninsi, a die presente, trado atque transfundo perpetualiter possidendum, ita ut omni tempore ad ipsius loci proficiat augmentum. Stipulatione subnixa. Actum in monasterio Laur., III idus iunii. S. Ratfridi qui hanc donationem fieri rogavit. S. Erkanfridi, Wolfgrimi, Guntbaldi, Waningi. Ego Samuel rogatus scripsi hanc donationem et subscripsi.